



**Erngup nukinganik isumalluutunik innaallagissiornermut atorneqarnerat pillugu
Inatsisartut inatsisissaannut nr. x (qaammat) 2013-imeersumut siunnersuut.**
(Avatangiisinut Pinngortitamullu Naalakkersuisoq)
(Siullermeenera)

Demokraatini naligninnaasumik siunnersuut nuannaarutigaarput ilalerlugulu. Imatulli oqaaseqarfigissavarput.

Isumaqarpugut ingerlatseqatigiiffiup ataatsip erngup nukinganik innaallagissiornermik taamatullu aatsitassarsiornermik ingerlatsissappat, transfer pricingimik aamma landskarsimut ajunaarutaasussamut Naalakkersuisut upalungaarsimanissaat ajornarnerussasoq.

Aamma isumaqarpugut taama sivisutigisumik atuisinnaatitaanissaq ajornartorsiutaasinnaasoq, nunarsuup sinnerani nukissiornermut akit ilisimaneqanngikkallartillugit. Iliuuseqarnissatsinnut periarfissagut atorsinnaajunnaassavagut pisariaqartinneqartumik taarsiiffigitigata. Taamatut pisoqarsinnaanera misissortikkusupparput inatsisissatut siunnersuutip aalajangiiffigineqannginnerani.

Tamatuma saniatigut aamma isumaqarpugut one-doorimik tungaveqarnerup, § 4 imm. 2-mi allaaserineqartut, nassatarisinnaagaa oqartussaaffiit assigiinngitsut akisussaaffiisa ersarluttunngorsinnaanerat apeqqutaalluni erngup nukinga sumut atorneqassanersoq. Isumaqarpugut oqartussaaffiup ataatsip siunertaq apeqqutaatinnagu erngup nukinganik iluaquteqarniarluni qinnuteqaatit suliarisariaqarai.

Taamatut oqarluta inatsisissatut siunnersuutip inuutissarsiornermut ataatsimiititaliami sukumiisumik suliarineqarnissaa inassutigaarput.